

GUÍAS DE PROTECCIÓN DE DATOS PERSONALES EN
LENGUAS DE LOS PUEBLOS ORIGINARIOS DE MÉXICO

**TUTU ÑA NTAKANI NIXI
CHIKA-A VA'NA KUE DATOS
PERSONALES NUÚ SA'AN NDAVI**

TU'UN SAVI
LENGUA MIXTECA



DIRECTORIO

Blanca Lilia Ibarra Cadena
Comisionada Presidenta

Francisco Javier Acuña Llamas
Comisionado

Adrián Alcalá Méndez
Comisionado

Norma Julieta Del Río Venegas
Comisionada

Oscar Mauricio Guerra Ford
Comisionado

Rosendoevgueni Monterrey Chepov
Comisionado

Josefina Román Vergara
Comisionada



Instituto ña na'á va-á ra chika-a va'á kue datos personales

Avenida Insurgentes Sur 3211, Colonia
Insurgentes Cuicuilco, Alcaldía Coyoacán,
Código Postal 04530, Ciudad de México.

Primera edición:
marzo 2022.

5 INTRODUCCIÓN

CAPÍTULO I-Í

6 ¿NCHÍÍ KUÚ ÑA NKAI KUÚ KUE DATOS PERSONALES?

- 6** 1.1 Datos personales
- 6** 1.2 Datos personales mií-me'na

CAPITULO UVI

7 ¿CHÍÍ KUÚ ÑA KUÚNAA-VA'ANA KUE DATOS PERSONALES NUÚ NCO'YO?

CAPÍTULO UNI

8 TU'UN TSA-CHUUNA TSA-Á KUE DATOS PERSONALES

- 8** 3.1 Na xíí ña-á
- 8** 3.2 Na sa-á nchuú
- 8** 3.3 Encargado
- 9** 3.4 Nixi ku sa'ana
- 9** 3.5 Nta'siágo
- 9** 3.6 Nta'kuago

CAPITULO KUMI

10 ¿NCHÍÍ KAKUÚ KUE LEY ÑA KA'Á TSA ÑA KUNA'A VA'ANA KUE DATOS PERSONALES NUÚ NCO'YO?

CAPITULO U-U

11 ÑA TSINIÑU'U SA'A KUE NIVI NA SACHUÚ TSI KUE DERECHU NA NSHÍÍ ÑA-Á

- 11** Ta tsa'á
- 11** Ña tsiniñu'ú sa-á

CAPITULO IÑU

12 ¿NCHÍÍ KU'U I-Í AVISO DE PRIVACIDAD? (KATO-Ó ÑA CHIKAA VAÁ KUE ÑA-A)

- 12** 6.1 Nchíí kunia kacha
- 12** 6.2 Nisa'á kue tipos de aviso de privacidad ye'é
 - 12** a) Ña níí
 - 12** b) Ña kue nchichi
 - 12** c) Ña kuiti

CAPÍTULO UTSA

- 13** **DERECHU ARCO**
- 13** 7.1 Unidad ña Transparencia
- 13** 7.2 Ichi ña kii'va
- 13** 7.3 Derechu'go ña ntasa'ta-á tutu
- 14** 7.4 Derechu ña sto-ó ña
- 14** 7.5 Derecho ñ ama kua-á ichi

CAPÍTULO UNA

- 15** **¿NCHÍÍ KUÚ ÑA KU'U SA'Á ATU KUE KUNINA
NTAK'UI NA TUTU'GO TSA'Á DERECHOS ARCO A
KUE TA'Á INO TSI TU'UN NTA'SCHIKO'NA?**

CAPÍTULO I-I

- 17** **¿NCHÍ KUÚ SA-Á ATU KUE NA SA'ACHUÚ KUE
TSA'ACHUÚ NTAANA TSI KUE DATOS
PERSONALES?**
- 17** 9.1 Kako kuachi
- 18** 9.2 Takua ntakuncheé uvi na tutu'go

CAPÍTULO UTSI

- 19** **NA KUÚ RA ÑA NKUÚ SA'A INSTITUTO
NACIONAL DE TRANSPARENCIA, ACCESO
A LA INFORMACIÓN Y PROTECCIÓN DE DATOS
PERSONALES Y ÓRGANOS GARANTES
ESTATALES**

INTRODUCCIÓN



Nko'yo kui i-í ñu'u na ntasaka, ra inkaá yo-í nuú we nivi kundavi, nuú kue nivi tsa saá ntsintoyo ra ntasa'á ntsío ante ga ña kitsa-á kue tsopi. Cha ntíina, na naá va-ana kue costumbri'na, nishi ye'ena ñuú'na, kuña ntakani sensu ntane'e INEGI¹, ra kachia ña utsa milló uni cientu unixiko kumi mil, iñu cientu uvi'xiko u'u kue nivi ña uni kuia tsi nuú'ga ka'ana i-í sa'a nta'vi. Cha kachina ña Nko'yo kuú nu ka-agana kua-á ga tu'un nuú ní-í mundo, ri yo-ó kunu yeé'ga unishiko una ví-í-ga kue na ka'á sa'an ntavi.

Tsa ñaka kúú ña, taua ntsaki we artículo 1, 6 tsi 16 Constitución'go, tsi ña ka'ana kuú **Instituto ña na'á va-á ra chika-a va'á kue datos personales (chinu-ú'ga kuú kunkachi'yu "INAI") tsiniñu'ú sachuúna takua ntí kue gobiernu ta kua, ta kua ntu ta-i sa-í takua kue nivi na kundavi a'na ntsini kua, kuú sa'ana ña kuna va-i kue dato'na.**

Tsa-a ñaka kuú ña, sa'ana guía yo-ó nuú kue saá ntavi takua kunina kue derechu kunina nchií kue ley ye'é sta-á ño-ó, tsi ntí-í ña tsiniñu'ú sa'á kue nivi ña ntu- ta-á kunava-á kue dato ntío saá ntakia nuú Ley ña ncha'á kue datos personales, ña naá va-á kue na tsiniñu'ú. Ley General ña naa' va'a kue datos personales, tsi kue nivi na tsininuú chika-a va-i (chinu-ú'ga kun ncha-á LGPDPPSO) a Ley Federal ña chika-á va-á kue datos personales ninde-é nta-á kue empresa. (chinu-ú'ga kuú ncha-á tana LFPDP).

Na ntakani nuú kueni ña, tutu yo-ó ra, nduí kuú ña ntasia-i tú'on nuú kue nivi, kue tsiniñu'u nta'tía'na, vaá i-í tutu ña sna'á ra ntaka-á tu'un kui tsa-á ña chika va'ana kue dato ntakua'go nuna kui.

¹ <http://www.cuentame.inegi.org.mx/poblacion/lindigena.aspx?tema=P>

CAPÍTULO I-Í

¿NCHÍÍ KUÚ ÑA NKAI KUÚ KUE DATOS PERSONALES?



1.1 Datos personales

Kue **datos personales** kuú ntí-í tu'un tsa-á i-í nivi, ña tsa-á takua ntakuna na. I-í nivi na kuú ntakuna na kuúna, vasu ma kunche'ego na, ri tsa-ana dato na nu-ú tutu.

Kuni kachi, kui kue datos personales tana sivi'go, tana nuú ye'é, a kue numero teléfono'go, i-í foto'go, a nchí'ga kue datos.

1.2 Datos personales mií-me'na

Ña ka'ana kuú kue **datos personales sensibles** kuú kue tu'un ña vaa me'go tsini, tana nchíí nikako, nchíí kue-e ku-u'go vichi a chi-nuuga, chíí tipo nii ko-ó, nchíí sto-o nchushi ka-ago, nchíí nivi ta-á ino, nchíí partido inka'a a chííga ña va-á mee'go tsini.

CAPITULO UVI

¿CHÍÍ KUÚ ÑA KUÚNAA-VA'ANA KUE DATOS PERSONALES NUÚ NCO'YO?



Ña kuúnaa va'ana kue datos personales nuú Nco'yo kuú i-í derechu'go nuú inkaa kue nivi (Na síí) takua ku'nago nchíí chün kuu nkuachu'u na ña, chíí na kuu nkuku'mia, takua ku'na nchíí ña kue ye'e tsiniñu'u sa'ana tsíí kue datos'go.

3.4 Nixi ku sa'ana

Kunia kacha, nishi sa'ana takua ne-ena, kuachu' una, chika a va'ana kue datos personales, ri ño-ó kuú ña sa'a takua ne'ego, kuacho-ó, ntasia'go, ka'a a kunka'a nta'ago kue datos personales.

3.5 Nta'siágo

Kunia kachia ña siágo kue datos personales ini a ta'vago tu'un Nko'yo, nuú inkaá nivi na kue ye'é derechu kuni kue datos'ga

3.6 Nta'kuago

Kui ntíí tu'un ña nta'sama a nta'kuago nuú na sachuú cuenta datos personales tsi kue encargado, ini a sata Nco'yo.

CAPITULO KUMI

¿NCHÍÍ KAKUÚ KUE LEY ÑA KA'Á TSA ÑA KUNA'A VA'ANA KUE DATOS PERSONALES NUÚ NCO'YO?



Xina' ñuú inka'a constitución'go, nuú ntsaki na nixi ku sachuú ntíí kue gobiernu, ntíí kue na ku tsincha'á chuú, stsi ntíí ña kuú ra wa kuú sa'ana, tsi nchíí ichi kuú ña ntantuku na atu nchíí kuú.

Vichi ntsa, tana tsa ntakano ta tsa-á, ña nani ley general kuú ña tsancha chuú nú

kue ña sachuú cuenta gobiernu ra Ley Federal ka'a tsa-ó kue empresa.

Vichi ra, kuncheé kueni nuú cuadro inkaá nuúga nixi inkaá sachuú na inkaa tsa-á gobiernu ra nixi tsa-á kue empresa:

SECTOR	RESPONSABLES
STA-Á GOBIERNU Ley General ña naa' va'a kue datos personales, tsi kue nivi na tsininuú chika-a va-i	Ntíí kue nivi kue na sachuú nuú níí Nco'yo, takua chika-a vá-i kue datos personales. Ntíí kue ña ká-i kuu órgano de gobierno, ña níí Nco'yo o kue ña Estado. Ña sachuú veé gobiernu, ña sa-á ley a ña sachuú tsa.á justicia.
KUE EMPRESA Ley Federal ña chika-á va-á kue datos personales ninde-é nta-á kue empresa.	Kue nivi a empresa ña sachuú ra ntakancha nchuú tsaá ña sa'ana kue datos personales.

CAPITULO U-U

ÑA TSINIÑU'U SA'A KUE NIVI NA SACHUÚ TSI KUE DERECHU NA NSHIÍ ÑA-Á



Kue Ley ña na'a va'a kue datos (Ley General tsi Ley Federal) tsaki'na ña tsiniñu'ú sa'a kue na sachuú tsa-á kue datos personales takua koó ña mani na tsi kue nivi na tsaá kue datos personales na.

Ña tsiniñu'u sa'ana takua ku'una va'ana kue datos personales, ra kuachu'ú va'na ña kui ta ntasatutu naña, chika'a va'ana ña a tsachuú'naña nchíí tsa'á ninkuu na sa'á chuú.

Ta tsa'á

Titsi Ley: kuacho-ó kue datos personales tana stanca ley.

Santi-í: Tsiniñu'u kuachuú na kue datos nchuú tsika na'ña

Ña nta'á: Ma ntukugo ni ma stavo ña kuacho-ó kue datos personales.

Ka'á ña kuuna: Ne'ego ña na kuni na xíí kue datos personales takua kua meena kue dato na ra ma kuniño'ó chintutsa'gona

Ña va'a: Chika va'a kue datos ta'á, níí takua ni ña'a ma kumani

Ko'o kuá: Kuachu'una kue datos personales mií tsa'a tsiniñu'ú na ña

Kua-á tu'un: Kua'a tu'un nuú kue nivi xíí datos takua kuuína nchíí ra nixi kuú nkuacho-ó datos na

Nta'a kunkaá: Sa-á ntíí kue a tsiniñu'ú sa'á, takua ku-ú sa'á ntí-í ña cha-ana nuú ley.

Ña tsiniñu'ú sa-á

Ña **kuncha'ana** kue datos personales tsiniñu'ú sa'ana uvi ña'a: **Ma ntakanina sua chica** tsi ña chica va'ana.

Ma ntaka'ano: Ma kaka ntakano tsa'a kue datos personales.

Kuncha'a va'a: Sa'a ntí-í ña tsiniñu'ú sa'á takua kunava'a kue datos personales.

CAPITULO IÑU

¿NCHÍÍ KU'U I-Í AVISO DE PRIVACIDAD? (KATO-Ó ÑA CHIKAA VAA KUE ÑA-A)



6.1 Nchíí kunia kacha

Aviso de privacidad kuú tutu nuú na sa'á chuú, **vi-í ntsa ntakua'ana tu'un** tsa:

- Ana ku nkuachuú kue datos personales
- Nchíí datos kuú nkakana
- Nchíí ku sa'ana tsi kue datos ga
- Ana kuu nkua ch una ña
- Nixi sa'ani takua kuachuú ni derechu ni

6.2 Nisa'á kue tipos de aviso de privacidad ye'é

- a) Ña níí
- b) Ña kue nchichi
- c) Ña kuiti

Ley General kuú nuu tsa-i uvi forma kue aviso de privacidad ña níí tsi ña kue nchichi.

Inca'a tsío, Ley Federal ntakunia, inka'a forma aviso de privacidad taua ña kuiti.

CAPÍTULO UTSA DERECHU ARCO



7.1 Unidad ña Transparencia

Kue derecho ña kunaa va'ana kue datos personales kui i-í derecho vá'a meego ña ku'u ña kaucha chu'ú nixi a nchíí chuú kuachuú n aña, a ntasa va'ana ña, a sto'ó n aña, a ntasama n aña. Ñaka kuu derechos ARCO. Kue ichi ña ye'e ña sa'ana ña ntasama at una kuni sa'i kuú na sa'a chuú kuenta gobiernu a na sachuú kuenta empresa kue.

Tsa'á ña ntsaki na nuú artículo 85 Ley General, i-í kue ña sa'a chuú, tsiniñu'u ku'kumina tsi i-í Unidad ña Transparencia ña ntaki-í kue tutu ski'vi na kuni tu'un tsi kue derechos ARCO kuú ña ku nkenchaa tsa'á ñaka.

Inka tsío, tsa-á ña sachu'ú nuú empresa kue, artículo al ña Reglamento Ley General, ntsakina ñ ata na sa'anchuú ra tsiniñu'u na nchíí ni-kuú kue datu takua kua-na nuú kue inkaá nivi ñu'u a takua kuachuú na tsi i-í na tsaqui kuachi, a tsi kue na tsika nchíí kue servicio, kuú kuachuú na ña nani derechos ARCO takua kuú kua-ana kue servicio tsiniñu'u.

Sa'á kuuña, ana tsika kue tu'un tsa-á kue derechos ARCO, tsiniñu'u nta chitu'ú na tutu nu na sa'a chu'ú ra ku'umina kue datos personales ña kunina nta'sa va'ana, nta'sa nta'ana, sto-ona a ka'asina. Cha tsiniñu'u ku'nago ña ntíí kue ña ku'una sa'a tsiniñu'u tsa kunkai nuú kue aviso de privacidad ña ku'una.

7.2 Ichi ña kii'va

Ñaka kuú i-í derecho ña ku'mi na xíí ña'a, cha tsiniñu'u kakana'na na nu'ú sachu'ú tsa-á kue datos personales nchíí chu'ú kunina kue datos, nixi ni ne'ena ña, nisa'a kua ku nkua chu'ú naña, ntíí kue ña kúnu kunu nchíí kuú sa'ana tsi kue datos ku, ra kuú ntaka tu'un gu nchíí ni kúnu kunu tsa-i.

7.3 Derechu'go ña ntasa'ta-á tutu

Ku'u i-í derecho ña ku'migu taua na xíí ña'a takua ntasa'tau tutu a ntasa va'agu kue datos personales gu, ta inkai nta'á na sachu'ú ta:

- Kue nta'á inka'kui.
- Ta kuma'ni nchí'ga.
- A ta ntasama kui.

7.4 Derechu ña sto-ó ña

I-í derechu ña ku-umi ta'na na xíí ña'a ña kaku kue tutu gu takua sto-óna ña, nuú inkaá vo-í a nuú kue sistema na sachuú tsía.

7.5 Derecho ñ ama kua-á ichi

Kui i-í derechu ña ku'migo ñ ama kua-á ichi kuachuú na kue datos personales ña kuu'mi na sa'achuú tsí-a cha kutunino ña, sa'ana ña ntsika ta na sachuú tsí-a ntakua'na tutu un'ugo ña kué ni tsa-á ichi ña kua'chuú na kue datos'go.

CAPÍTULO UNA

¿NCHÍÍ KUÚ ÑA KU'U SA'Á ATU KUE KUNINA NTAK'UI NA TUTU'GO TSA'Á DERECHOS ARCO A KUE TA'Á INO TSI TU'UN NTA'SCHIKO'NA?



Ta na sa'achuú cuenta kue datos'go kueni nta'schiko'na tu'un tsa'á derechos ARCO'go, a kue ni ta'á ino tsi tu'un ntsa'ana nuu'go tsa'á ña ntsika, ra kuú ntachito'ó nuú INAI takua kaka ku'á va'ana tu'un nu'ugo.

Ku'ú ntachikau kuachi tsi tu'un nta'chico'nee'na nu-u'gu a i-i chancha kueni nta'schiko ne-e'na tu'un, kueé sa'a **a i-í empresa a nu'ú gobiernu** sachuú na kueé ni tsa'á t'ún ntsíku, ra kuú ntane-u kuachi tsa-i.

Chi nuú'ga, ku ntakani i-í kue ña kuú sani takua kutunini va'a'gani ña sa'ani:

- **Chika'a tutu tsa'á kue empresa**

Tsiniñu'ú ntachitu'ú tutu, nuú INAI, takua kitsa'ana **tsi Procedimiento de Protección de Derechos (PPD)**, cha ñaka kuú kitsa'i tsa-á uvi kua.

- **Nikumani nta'schiko'o na tu'un**
- **A kue ni va'a ni nta'schiko ne'é**

tu'un tsa-á ña ntsika sta-á kue derechos ARCO.

Nixi sá'a ntachito'ó tutu tsa'á ña kuncha'a kue derechu kuú:

- Ko-ó ntachito'ó un'ú kue oficina INAI, ña inka'a nu'ú Avenida Insurgentes Sur, numero 3211, Colonia Insurgentes Cuicuilco, Código Postal 04530, Alcaldía Coyoacán, ñu'u Nco'yo.
- Ta'choó correo cha-vi, ña ku-ú dirección tsa ncha-á kuchi.
- A ta'choó ña nuú internet nu'ú IFAI-PRODATOS (a tu ku'migo ña nami firma electrónica) nu'ú página www.datospersonales.org.mx

Kú'u kun'cheu ra snuú kue tutu ña skutugu takua nta'chikau ña nu'ú página: <http://inicio.inai.org.mx/FormatosINAI/SolicitudPD.pdf>, a kuú tuku ka'u nu'ú teléfono Tel-INAI nu'ú número 800 835 43 24 takua ntakani nta'ana ña sá-u takua ta'chuú tutu.

- ***Nta chika'á tutu tsa'á kue na sachuú tsa-á gobiernu.***

A'tu kuna kako kuachi tsa'a na sachu'ú nuu gobiernu, ña kueni kunina ntane'ena tutu'go, kue ni kunina nta'nchikone'e na tu'un a kue ni ta-á ino nixi ntsa-ana tu'un nú'ugo ra, kuú nta'chitoó i-í tutu ña ka-i kuú **“recurso de revisión”** nuú INAI'ga.

Nixi nta'ne-é tutu ña nani “recurso de revisión”:

- Tsiniñu'u cháa'ni i-í tutu, un inkaa oficina INAI nuú: Avenida Insurgentes Sur, número 3211, planta baja, Colonia Insurgentes Cuicuilco, Alcaldía Coyoacán, Código Postal 04530, Nnú Nco'yo.
- Nuú correo chavi'ni, nuú inkaa dirección INAI'ga.
- Tsinu'úpáginainternetñaPlataforma tsa-á Transparencia: <https://www.plataformadetransparencia.org.mx/web/guest/inicio>

Kuú kuncheu ra snuú kue tutu ña nta'ntugu takua nta'skutu'gu nuú página: <http://inicio.inai.org.mx/FormatosINAI/FormatoRRVF.docx> a tu ku'unu kucha'so-ó na tsini nixi ka'á, kuú ka-u nuú teléfono 800 835 43 24 atu ku'nigu inka'ga ña kunu ntaka'tuku.

- ***Nta chika'a tutu tsa'á nchíí kue oficina ña sachuú tsa-á gobiernu***

Nu'ú ntisakuú ga kue estado'ga r aña ka-i kuú “recurso de revisión” kuú nta'chío tutu'ga nuú nchíí kue oficina “garante” ña yeé yachi nuú yeé'ni:

- Cha'á ni i-í tutu, nu'ú inkaa oficina

garante, estado nu'ú yeé'ni, a oficina ña Unidad ña Transparencia a kue oficina ña ku-na anguú'na takua nte-é kue tutu'go.

- Chi correo ña cha'vini.
- Tsi kue ntí-í ña ye-é nuú kue computadora a internet.
- Tsi kue tutu ña tsaki mee'kuena INAI'ga takua nta'néni tutu nuú kue estado'ga.
- A nu'ú kue página internet ña Plataforma tsa-á Transparencia ña: <https://www.plataformadetransparencia.org.mx/web/guest/inicio>

Tsiniñu'ú ku'na-á ni ña INAI tsi kue organismos garantes kuú nta'tu'u kui tsi kue na ve'é chu'ú takua kue tutu ña skivi na tsa-á derechos ARCO, tsi kue recursos de revisión, kuú ntachiko ne-ena ña tu'un nu'ú sa'andavi

CAPITULO I-I

¿NCHÍ KUÚ SA-Á ATU KUE NA SA'ACHUÚ KUE TSA'ACHUÚ NTAANA TSI KUE DATOS PERSONALES?

● ● ●

9.1 Kako kuachi

Ta meu, tana nivi a nchí nivi nikuú na'kuni ntaana ña sa'a siki kue to-ó tsi kue datos personales a kue tsachuuna'na chün ni kachina, kue sa'a a sachüna nuú gobiernu

a nchí empresa, ra kuu kaku kuachi nuu INAI, nuú ye'e i-í ichi ña kunchee'na ta kitsaá i-í kuachi, ra nuú cuadro inkaá chí'nuga kuú ña ntakani nishi sa-ú kaku kuachi.

	Responsable	Lugar de presentación	Medios de presentación ²
KAKO KUACHI	Na sa'a chün nuú gobiernu	Acudir al INAI Ko-ó kue oficina INAI	<ul style="list-style-type: none"> Kuú mee'go, ntachikaá tutu nuú oficina ntakina tutu nuú instuto'ga. Sa'a tutu ra chinta'ago ña nuú correo cha-va, takua tsai nuú oficina INAI. A kuú tachuu'ni ña nuú correo electrónico: investigayverifica@inai.org.mx <p>Kuú kunche'eni snu'ni kue tutu ña tsininu'u ni takua chikani kuachi nuú liga electrónica: http://inicio.ifai.org.mx/FormatosINAI/FormatodenunciaLGPDPPO.PDF</p>
	Na sachuú nu'ú kue empresa	Ko-ó nu'ú INAI	<ul style="list-style-type: none"> Sa'a ni tutu ra ntachituu me'eni tutu nuu nchí oficina ña INAI. Nuú correo ña chavini, nuú ntakua'ana tutu ña taa ntasa'a tutu'ni. Chíí correo electrónico: verificacion@inai.org.mx A chíí página internet: www.datospersonales.org.mx

² Tsiniñu'ú ña ntane-éna kuachi nuú tutu i-í kuia, miña kua-á ña ni kuú kuachi'ga.

	Na sachuú nu'ú gobiernu Na sachuú cuenta gobiernu nchíí kue estado	Kuúni nchíí kue oficina garante ño inka'á nuú estado ye'eni	Tsa yachi ntíí kue kuachi kuú ntuchi ka'ani tutu nuú: <ul style="list-style-type: none">• Cha'ani ra ntachi kaani tutu nuú oficina garante kue estado nuú ye'eni.• Nuú kue tutu ña tsaki ankuuna takua kua-cho-ó a nchíí nuú kue medio electrónico.
--	---	---	--

9.2 Takua ntakuncheé uvi na tutu'go

Instituto yo-ó takua kunchíí ña nta-á sa cumplir'go tsi ley, kué sa-á a Ley General a Federal kuy, a nchígaña, cuenta kui ña ku'ú ko-ó kakuacho takua kitsá-i kunchíí a va-á sachuú'na tsi kue datos personales tana kachi meé kue ley. Ri ntíí kue ichi ña tsaqui meé ley ku ña tsiniñu'ú kuncha'a 'na ra kuncheé'na ña na sa'a na, takua sa-á vaá'na nchuú.

CAPÍTULO UTSI

NA KUÚ RA ÑA NKUÚ SA'A INSTITUTO NACIONAL DE TRANSPARENCIA, ACCESO A LA INFORMACIÓN Y PROTECCIÓN DE DATOS PERSONALES Y ÓRGANOS GARANTES ESTATALES



Nu'ú constitución'go, kuú ña ntsakina nu'ú artículo 6, apartado A, fracción VIII, nti-í ña kuú sa-á INAI takua kuú ña kunia kue tsa-á nixi kuna saá'na kue tutu'staá kue nivi ra chikaa va-i ña nu'ú kue cha inkaá ve'e chuú, tsi nixi kunaá va-i nti-í kue tutu sta-á datos personales.

Kue ña ka-i ku'ú kue organismos garantes kue ñu'ú, ku'ú kue tsincheé ña kuachu'ú ntana kue datos ntsika'kui, kunchakui kue datos'ga nu'ú kue na ncha-á chu'ú ntisa'á ga kue estado ye'é Nco'yo.

San'tíí, tsiniñu'ú ka'a ña, a tu mia kacho ña na ntsa-á kue datos na, tsiniñu'ú ña kue tu'ún a kue tutu ña ni ne'ena kue derechu ARCO, a ka'ana ña kue tsa'chuú va'ana kue datos personales kuú, ntakanina nixi sa'ana takua ntachika'ana kuachi nuú ña nani Centro ña Atención, kue ntí-í nivi, ña ka'i kuú CAS. Ki-í lonixi mancha juevixi, nuna ka i-í ra ntasi ka iñu tsini. Cha kue viernixi nu'na kaa i-í ra ntasi ka'a uni, nuú tsa'ana kue dirección electrónico ña inkaa ninu-yo-ó takua ka'á kuenii atu tsiniñu'u kueni ña.

- Ka'ani nu'ú Tel-INAI, nu'ú número telefónico: 800 835 43 24.
- Tachuú'ni correo electrónico: atencion@inai.org.mx
- Tachuú'ni correo tutu a kuú tsi tsa'ani nu'ú oficina ña inka'a nu'ú Avenida Insurgentes Sur, Número 3211, planta baja, Colonia Insurgentes Cuicuilco, Alcaldía Coyoacán, Código Postal 04530, Ñu'ú Nco'yo.
- Kí'vini nu'ú página: <http://inicio.ifai.org.mx/SitePages/Contactanosf.aspx>

inai 